

Morning Dogri (NSD) National News Bulletin 25-11-2024

आकाशवाणी

- संसद दा सयाले आला इजलास अज्जै थमां शुरू होआ'रदा ऐ। सरकार दा आखना ऐ जे 26एं दिनें इस सत्र दरान कुसै बी मुद्दे पर चर्चा करने लेई पूरी चाल्ली तैआर।
- प्रधानमंत्री नरेन्द्र मोदी होर अज्ज नमीं दिल्ली च वैश्विक सहकारिता सम्मेलन दा उद्घाटन करगंन।
- विदेश मंत्री डॉ. एस.जयशंकर होरें आखेआ जे भारत इटली गी प्रमुख भागीदार, यूरोप च महत्वपूर्ण सहयोगी ते भूमध्यसागरीय क्षेत्र च बड़ा प्रभावशाली खडारी दे रूप च दिक्खदा ऐ।
- आरबीआई दा आखना ऐ जे यूपीआई दा अंतर्राष्ट्रीयकरण तेजिया कन्नै तरक्की करा'रदा ऐ की जे भारत परिवर्तनकारी बदलाव आस्तै डिजीटल तकनीकें दा लाह ठोआने च विश्व नेता दे तौर पर सामने आवा करदा ऐ।
- साउदी अरब च आईपीएल निलामी दे पैहने दिन ऋषभ पंत ते श्रेयस अय्यर सारे कोला मैहगे खडारी रेह।

<><><><><><>

Paliamant Session

संसद दा सयाले आला इजलास अज्जै थमां शुरू होआ'रदा ऐ। 26एं दिनें तगर चलने आले इस इजलास च 14 बैठकां होंगन। हालाके 26 नवम्बर गी संविधान दिवस आले दिन संसदी दी बैठक नेई लग्गोग। संसद दे दौनें सदनें दा सुचारु ढंगै कन्नै संचालन जकीनी बनाने लेई बचार बमर्श लेई नमीं दिल्ली च सरकार नै सर्वदलीय बैठक सद्दी। बैठक मगरा पत्रकारें कन्नै गल्लबात करदे होई संसदीय कार्यमंत्री किरन रिजिजू होरें आखेआ जे इस सत्र दरान सरकार संसद च कुसै बी मुद्दे पर चर्चा करने लेई तैआर ऐ। उनें विरोधी धड़े गी लोकसभा ते राज्यसभा दे सुचारु ढंगै कन्नै संचालन च सहयोग करने लेई अपील कीती ऐ। उनें आखेआ जे बैठक च 30 राजनैतिक दलें दे 42 नेताएं हिस्सा लैता ते हर दल दे नेता नै अपने सुझाह दित्ते।

कांग्रेस सांसद प्रमोद तिवारी होरें आखेआ जे पार्टी ने उद्योगपति आस्सेआ कथित तौर पर रिश्वत घाटाले, मणिपुर दी स्थिति, बेरोजगारी ते उत्तर भारत च प्रदूषण ते होरने मुद्दे पर चर्चा दी मंग कीती ऐ।

<><><><><><>

PM Modi ICA

प्रधानमंत्री नरेन्द्र मोदी होर अज्ज नमीं दिल्ली दे भारत मंडपम च अंतर्राष्ट्रीय सहकारिता गठबंधन आईसीए दे वैश्विक सहकारिता सम्मेलन दा उद्घाटन करगंन। अंतर्राष्ट्रीय सहकारिता गठबंधन दे 130 बरे दे इतिहास च पैहली बारी वैश्विक सहकारिता सम्मेलन ते आम सभादा सरिस्ता भारत च कीता जा'रदा ऐ। इस मौके पर मोदी होर अंतर्राष्ट्रीय सहकारिता बरे 2025 पर स्मारक डाक टिकट जारी करगंन। इस सम्मेलन च भूटान दे प्रधानमंत्री वाशो शेरिंग तोबरो ते फिजी दे उप-प्रधानमंत्री मनोआ कामिकामिका बी शामिल होंगन। अंतर्राष्ट्रीय सहकारिता गठबंधन 1895 च कायम कीता गेआ हा। एह्दे राएं त्रै मिलियन सहकारिता उद्योग आपू'चै जुड़दे न।

<><><><><><>

EAM

विदेश मंत्री डॉ. एस.जयशंकर होरें आखेआ जे भारत इटली गी प्रमुख भागीदार, यूरोप च महत्वपूर्ण सैहयोगी ते भूमध्यसागरीय क्षेत्र च बड़ा प्रभावशाली खडारी दे रूप च दिक्खदा ऐ। रोम च भारतीय दूतावास दी नमीं चांसरी दा उद्घाटन करदे होई डॉ. जयशंकर होरें आखेआ जे दौनें देशें बश्कार बक्ख-बक्ख स्तर पर होने आली गल्लबात दपक्खिया सरबंधें गी दर्शादे न। उनें आखेआ जे दौनें मुख्य दे दृष्टिकोण च सांझेदारी ऐ, जतनें च तालमेल ऐ ते वैश्विक ते क्षेत्रीय मुद्दे दा हल कड्डने लेई जे दपक्खिया सरबंधें गी होर विकसित करने लेई बड़ा मता उत्साह ऐ। प्रस्तावित भारत मध्य पूर्व यूरोप आर्थिक गलियारे दा जिक्र करदे होई मंत्री होरें आखेआ जे एह गलियारा यूरोप ते एशिया बश्कार राबते लेई बड़ा मता महत्वपूर्ण होग। इटली दे अपने दौरे दरान डॉ. जयशंकर होर फियूगी च जी-7 विदेश मंत्रिण दी बैठक सत्र च हिस्सा लेंगन, जित्थें भारत गी मेहमान मुख्य दे तौरा पर सददेआ गेआ ऐ।

<><><><><><>

Maharashtra-Govt.

महाराष्ट्र च बीजेपी दी अगुवाई आली महायुति दी बड्डी जित्त दे मगरा राज्य च सरकार बनाने लेई व्यापक गल्लबात होआ'रदी ऐ। मुख्यमंत्री एकनाथ शिंदे होर शिवसेना विधानमंडल पार्टी दे नेता चुने गे। इस फैसले दा प्रस्ताह मुंबई च होई दी इक बैठक च पार्टी दे सब्बने 57 नमें चुने गेदे विधायक दी सैहमति कन्नै पारित कीता गेआ। कांग्रेस पार्टी ने अपने अध्यक्ष अजीत पवार गी विधायक पार्टी दा नेता चुनेआ ते ओह नमीं दिल्ली जाइयै अगगे दी गतिविधिएं बारे चर्चा करन।

<><><><><><>

Jharkand

झारखंड च झारखंड मुक्ति मोर्चा दे कार्यकारी अध्यक्ष हेमंत सोरेन होरें झारखंड दे राज्यपाल संताष कुमार गंगवार हुंदे कन्नै मलाटी कीती ते सरकार बनाने दा दावा कीता जेहदे तौले बाद गै इंडी ब्लाक दे नेताएं उनेंगी सब्बने दी सैहमति कन्नै विधानमंडल दा नेता चुनेआ। सरकार बनाने दा दावा बन्नने थमां पैहले उनें मुख्यमंत्री पद थमां स्तीफा देई दित्ता। राज्यपाल हुंदे कन्ने मिलने परैंत पत्रकारें कन्नै गल्लबात करदे होई सोरेन होरें आखेआ जे उनें सरकार बनाने दा दावा पेश कीता ऐ ते गठबंधन लेई साझेदारें दा समर्थन पत्र राज्यपाल होरें गी सौंपी दिता।

<><><><><><>

RBI UPI

भारती रिजर्व बैंक आखेआ ऐ जे भारत नमीं तब्दीलिएं लेई डिजिटल तकनीकें दा लाह ठोआने च दुनिया च अगुआ बनियै उभरेया ऐ इसकरियै संगठित भुगतान इंटरफेस (यूपीआई) दा अंतर्राष्ट्रीकरण तेजी कन्नै अगगे बधै करदा ऐ। बैंक मूजब, यूपीआई दी समर्थ च सुधार दे कन्नै अक्तूबर म्हीने यूपीआई दे राहें 16 इशारिया 6 अरब दा लैनदेन होआ, जेहड़ा मता महत्वपूर्ण ऐ। एहदे च 86 फीसद तगर दे भुगतान दी फौरी सफल वापसी शामिल ऐ। रिजर्व बैंक दे डिप्टी गवर्नर माइकल देबब्रत पात्रा होरें दस्सेआ ऐ जे भारत दा यूपीआई, इक ओपन एंडेड प्रणाली ऐ जेहदे च शामिल कुसै बी बैंक दे इक्कै मोबाइल एप्लिकेशन च केई बैंक खातें दे इस्तेमाल दी सुविधा थहोंदी ऐ।

एह्दे राहें बक्ख-बक्ख बैंकें बश्कार इक-दुए दे कन्नै ते लोकें ते बपारियें बश्कार लैनदेन दी प्रक्रिया सहजता कन्नै अगगे बघै करदी ऐ।

<><><><><><>

Consumer Helpline

इक महत्वपूर्ण घटनाक्रम च राष्ट्रीय उपभोक्ता हैल्पलाइन नै शकैतें दे हल च तेजी आन्नने आस्तै अपने सरबंधी कार्यक्रम तैहत इक जहार थमां मती कंपनिएं कन्नै हिस्सेदारी कीती ऐ। एह् कंपनियां न ई-कॉमर्स, निजी शिक्षा, रोजमर्रा दे इस्तेमाल च औने आलियां चीजां, प्रचून दुकाना, ऑटोमोबाइल ते बैंकिंग सनें प्रमुख क्षेत्रें च फैली दियां न। उपभोक्ता मामले दे मंत्रालय नै आखेआ ऐ जे इनें कंपनिएं कन्नै सरबंधी शकैतें गी ऑनलाइन हल आस्तै सिद्धे उंदे कश भेजेआ जाग। मंत्रालय नै आखेआ ऐ जे इनें हिस्सेदारें दी गिनतरी 2017 च 263 थमां लगातार बधी ऐ ते हुन इक जहार 9 कंपनिएं तगर पुज्जी गई ऐ। मंत्रालय नै आखेआ जे एह् बाद्धा हैल्पलाइन दी कारकरदगी बधाने ते असरदार तरीके राएं शकैतें दे निपटारे गी सक्षमक रने ते पारदर्शिता ते जवाबदेही गी बढ़ावा देने च इनें हिस्सेदारें दी भूमका गी उजागर करदी ऐ।

<><><><><><>

IPL

आईपीएल 2025 संस्करण दी बड्डी निलामी च कल सउदी अरब च आयोजित निलामी दे पैह्ले ध्याड़े ऋषभ पंत ते श्रेयस अय्यर होरें लेई रिकार्ड बोली लग्गी ऐ। जेह्दे आईपीएल दे इतिहास च मते मेंहगे खडारिएं दे तौर पर सामने आए न। लखनऊ सुपर जायंट्स नै विकटकीपर बल्लेबाज ऋषभ पंत गी 27 करोड़ रपे च हासल करियै इतिहास रची दित्ता जेह्दे कन्नै ओह आईपीएल दे इतिहास च सारे कोला मते मेंहगें खडारी बनी गे न। इआं गै पंजाब किंग्स नै आईपीएल दे विजेता कप्तान श्रेयस अय्यर गी 26 करोड़ 75 लक्ख रपे कन्नै ते सपिन्नर यूजवी चैहल गी 18 करोड़ रपे कन्नै हासल कीता। कोलकता नाईट राईडर ने बी वैंकटेश अय्यर गी 23 करोड़ 75 लक्ख रपे च हासल कीता।

<><><><><><>

Hideout

सुरक्षाबलें हंदवाड़ा च मुगलपोरा क्रेमहोरा दे जंगली इलाकें च आतंकवादिएं दे छप्पने आली इक थाहर दा पता लाइयै उसी नष्ट करी दित्ता ऐ। सुरक्षाबलें उत्थुआं असला ते बरूद बी बरामद कीता ऐ। इक टकोह्दी सूह पर कारवाई करदे होई पुलस, सेना ते सीआरपीएफ आस्सेआ सांझे तौर पर अभियान चलाया गेआ। जित्थुआं सुरक्षाबलें असला—बरूद बरामद कीता। एह्दे च 10 ग्रनेड बी शामिल हे। पुलस नै आखेआ ऐ जे समें सिर कीती गेदी कारचाई नै आतंकवादिएं दे भैड़े मनसूबें गी नाकाम बनाया ऐ।

<><><><><><>